



Broj: 01-50-1-15-23/24

Sarajevo, 3. 12. 2024.

BOSNA I HERCEGOVINA		
PARLAMENTARNA SKUPŠTINA BOSNE I HERCEGOVINE		
SARAJEVO		
14-01-2025		
Prethodni broj	Klasifikaciona oznaka	Redni broj

ZAPISNIK

23. sjednice Predstavničkog doma Parlamentarne skupštine Bosne i Hercegovine, održane 3. 12. 2024.

Sjednica je počela u 11.13 sati. Prisustvovalo je 37 poslanika.

Odsustvovali su: Branislav Borenović, Sabina Ćudić, Rejhana Dervišević, Milan Dunović i Denijal Tulumović.

Sjednici su prisustvovali: ministar finansija i trezora BiH Srđan Amidžić, ministar pravde BiH Davor Bunoza, zamjenica ministra za ljudska prava i izbjeglice BiH Duška Jurišić, zamjenik ministra finansija i trezora BiH Muhamed Hasanović, zamjenica ministra vanjske trgovine i ekonomskih odnosa BiH Ljiljana Lovrić i zamjenik ministra komunikacija i prometa BiH Ognjen Janjić.

Sjednicu su pratili predstavnici: Ministarstva komunikacija i prometa BiH, Ministarstva pravde BiH, Ministarstva finansija i trezora BiH, Centralne izborne komisije BiH, Institucije ombudsmena za ljudska prava BiH i Ureda za reviziju institucija BiH.

Iz međunarodnih organizacija sjednicu su pratili predstavnici OSCE-a i Vijeća Evrope.

Predsjedavajući je rekao da će, u skladu s članom 167. Poslovnika, na početku sjednice, prije rasprave o dnevnom redu, poslanicima biti omogućeno postavljanje poslaničkih pitanja u usmenoj formi.

U skladu s članom 168. Poslovnika, najavu za postavljanje poslaničkog pitanja u usmenoj formi dostavili su:

- Šemsudin Mehmedović – ministru pravde BiH,
- Branislav Borenović – ministru finansija i trezora BiH,
- Nenad Grković – ministru komunikacija i prometa BiH,
- Albin Muslić – ministru vanjske trgovine i ekonomskih odnosa BiH,
- Šerif Špago – predsjedavajućoj Vijeća ministara BiH,
- Jasmin Emrić – ministru sigurnosti BiH.

Branislav Borenović nije prisustvovao sjednici.

Poslanik Nenad Grković je 2. 12. 2024. dostavio najavu usmenog pitanja za ministra sigurnosti BiH, ali pitanje nije uvršteno, s obzirom na član 167. stav (3) Poslovnika kojim je predviđeno da poslanik može postaviti jedno poslaničko pitanje.

Najave su, u skladu s članom 168. stav (2) Poslovnika, dostavljene predsjedavajućoj Vijeća ministara BiH i onom članu Vijeća ministara BiH na koga se pitanja odnose. Predsjedavajući je podsjetio na to da je osiguran i direktan TV-prijenos ovog dijela sjednice, u skladu s članom 167. stav (1) Poslovnika.

Sadržaj postavljenih pitanja je sljedeći: ¹

Šemsudin Mehmedović

„Ja imam pitanje za ministra pravde, a ono glasi – Marko Kubatlija, direktor Agencije za unapređenje stranih investicija (FIPA), na poziciji rukovodećeg državnog službenika, sekretar s posebnim zadatkom, na lokalnim izborima bio je nosilac liste DNS-a za Skupštinu Opštine Pale. Navedenim je Marko Kubatlija grubo prekršio zakon jer je članom 16. Zakona o državnoj službi u institucijama BiH utvrđeno da rukovodeći državni službenik podnosi ostavku na mjesto u državnoj službi od trenutka kada je potvrđena njegova kandidatura na javnu funkciju na koju se bira direktno ili indirektno. Članom 63. stav (4) istog zakona propisano je da će se novčanom kaznom od 2.000 do 5.000 KM kazniti rukovodeći državni službenik koji ne podnese ostavku na radno mjesto u državnoj službi nakon što je potvrđena njegova kandidatura. Nažalost, Marko Kubatlija nije izoliran slučaj jer su i drugi državni službenici politički aktivni i javno iznose svoje političke stavove, što uliva nepovjerenje u državnu službu kod građana BiH. Neću navoditi, evo, mnogo, ali jedan eklatantan primjer je Josipa Merdže, direktora Instituta za intelektualno vlasništvo, koji je ujedno i glavni sekretar Hrvatskog narodnog sabora BiH iako je državni službenik, ali ću ukazati na njegovo javno iznošenje političkog stava, citiram: 'Ukoliko se potvrdi presuda u slučaju Kovačević, potrebno je formirati treću federalnu jedinicu.' Zato pitanje za ministra – Da li je Upravni inspektorat BiH preduzeo zakonom utvrđene mjere protiv državnih službenika koji javno iznose političke stavove i koji su bili na listama određenih političkih subjekata, te koliko je državnih službenika kažnjeno novčanom kaznom za prekršaje utvrđene Zakonom o državnoj službi u institucijama BiH u periodu od 1. 1. 2023. do 12. 11. 2024. godine?“

Odgovor na pitanje dao je ministar pravde BiH Davor Bunoza. Šemsudin Mehmedović komentirao je dobiveni odgovor.

Nenad Grković

„Ja bih se obratio Ministarstvu komunikacija, ne znam da li ima neko tu prisutan. Moje pitanje je vrlo jasno – Zašto građani BiH plaćaju najskuplje mobilne usluge u regionu? Ja sam ovo pitanje već jednom postavljao, ali ni tada nisam dobio odgovor na ovo pitanje, nadam se da ćemo danas imati nekoga tu iz Ministarstva da nam odgovori.“

¹ Sadržaj pitanja preuzet je iz neautoriziranog transkripta 23. sjednice Predstavničkog doma.

Zamjenik ministra komunikacija i prometa BiH Ognjen Janjić rekao je da će odgovor biti dostavljen u pisanoj formi, a Nenad Grković je dao komentar.

Albin Muslić

„Pitanje postavljam ministru vanjske trgovine i ekonomskih odnosa BiH, a odnosi se na izmjene postojećeg Zakona o konkurenciji BiH. Naime, u Mišljenju Evropske komisije o napretku BiH na više mjesta je konstatirano da postoji potreba usklađivanja postojećeg zakonodavstva o pravu konkurencije sa pravnom stečevinom EU. Pri tome ne mislim samo na entitetsko veto prilikom glasanja u okviru Konkurencijskog vijeća BiH, već na sveobuhvatne izmjene, a što će se između ostalog odnositi i na samu strukturu Konkurencijskog vijeća BiH gdje će se postojeća formulacija, dakle da članovi Konkurencijskog vijeća mogu biti priznati stručnjaci odgovarajuće oblasti odrediti mnogo detaljnije da znamo o kome se to radi, koje su to potrebne kvalifikacije da bi neko bio član Konkurencijskog vijeća BiH i, dakle, tražim mišljenje Ministarstva vanjske trgovine i ekonomskih odnosa s obzirom da je ranije nekad bila i formirana radna grupa na izmjenama predmetnog propisa, a koliko znam ništa nije urađeno po tom pitanju. Da li Ministarstvo planira u saradnji sa Konkurencijskim vijećem BiH da pripremi izmjene predmetnog propisa, a što će u konačnici uključiti i preporuke Evropske komisije, a koje se tiču strukture Konkurencijskog vijeća, kao i načina odlučivanja?“

Odgovor na pitanje dala je zamjenica ministra vanjske trgovine i ekonomskih odnosa BiH Ljiljana Lovrić.

Šerif Špago

„Ja sam najavio postavljanje zastupničkog pitanja u usmenom obliku uvaženoj predsjedavajućoj Vijeća ministara, a odnosi se na mjere koje je Vijeće ministara poduzelo ili treba poduzeti vezano za poplave koje su zadesile BiH, odnosno određeni broj općina 3. na 4. 10. 2024. godine, znači kada su poplavama pogođene općine Jablanica, Konjic, Mostar, Fojnica, Kreševo i Kiseljak i kada je nažalost stradalo 27 života. Naravno, sva druga šteta koja je tada pričinjena, a odnosi se na stambene objekte i infrastrukturu je nadoknadiiva, pitanje života je posebno pitanje i ono ne može nikada biti nadoknađeno, ali znamo da se život treba nastaviti dalje i da treba pomoći ljudima koji su pretrpjeli materijalnu štetu da nastave život onako kako je dostojan čovjeka. Procjene su da je napravljeno, da je šteta više od 200.000.000,00 KM vezano i za stambene objekte i za infrastrukturu. Ono što je meni poznato, do sada su institucije vlasti na entitetskom i državnom nivou uplatile oko 2.250.000,00 KM općinama vezano za navedene štete, i to Vijeće ministara 1.000.000,00 KM, Vlada Federacije 1.000.000,00 KM i predsjednik entiteta Republika Srpska po 50.000,00 KM po općinama. Nažalost, Mostar, odnosno jedna mjesna zajednica na području Mostara nije obuhvaćena sredstvima koja su nadležne vlasti uplatile. Imajući u vidu sve ovo i slabu reakciju, pogotovo i državne i federalne vlade, postavio sam pitanje, odnosno postavljam pitanje predsjedavajućoj Vijeća ministara – Koje mjere i aktivnosti je poduzelo Vijeće ministara BiH i nadležna ministarstva u Vijeću ministara na saniranju posljedica katastrofalnih poplava i klizišta koja su pogodila Jablanicu, Konjic, Mostar, Fojnicu, Kreševo i Kiseljak u noći 3. na 4. oktobar 2024.

godine u kojima je stradalo 27 osoba? Tražim precizne podatke o izdvojenim novčanim sredstvima iz budžeta institucija BiH, iznosu novčane pomoći primljene od drugih država i međunarodnih organizacija, te informaciju o donošenju odluke o raspodjeli sredstva u iznosu od 10.000.000,00 eura koje je prije više od mjesec dana uplatila Republika Hrvatska?“

S obzirom na to da sjednici nije prisustvovala predsjedavajuća Vijeća ministara BiH Borjana Krišto, potrebno je da se odgovor dostavi u pisanoj formi. Šerif Špago dao je komentar.

Jasmin Emrić

„Zoran Galić, sada već razriješeni zamjenik direktora Državne agencije za istrage i zaštitu, osumnjičen je za više krivičnih djela učinjenih u periodu kada je obavljao dužnost direktora Granične policije BiH, a od 8. 7. tekuće godine je nedostupan pravosudnim organima BiH, te je Sud BiH raspisao međunarodnu potjernicu. Tek nakon tri i po mjeseca od bjekstva osumnjičenog zamjenika direktora SIPA-e na 62. sjednici, održanoj 23. 10. 2024, Vijeće ministara BiH donijelo je rješenje kojim se, pazite sada, na lični zahtjev Zorana Galića, imenovani razrješava dužnosti zamjenika direktora SIPA-e, i to sa 8. julom 2024. godine. Kada netko pročita navedeno rješenje, pomislio bi da je Zoran Galić našao neki novi angažman u Republici Hrvatskoj i da shodno tome na njegov lični zahtjev Vijeće ministara donosi rješenje o razrješanju, a kao da se ne radi o bjeguncu koji je osumnjičen za izvršenje više krivičnih djela, i to u vrijeme kada je bio direktor Granične policije. Također, u rješenju o razrješanju Galića Vijeće ministara nije utvrdilo odredbe u vezi s njegovim radno-pravnim statusom, već je isti samo retroaktivno nakon 108 dana razriješen sa dužnosti zamjenika direktora SIPA-e, što predstavlja pravni non sens koji bi se po mom mišljenju trebao izučavati na pravnim fakultetima. Ovo rješenje je zaslugom generalnog sekretara Vijeća ministara Roberta Vidovića objavljeno u 'Službenom glasniku BiH' 15. novembra 2024. godine, što znači tek nakon 23 dana od dana donošenja, čime je ostavljeno dovoljno vremena direktoru SIPA-e Darku Čulumu da donese rješenje o prestanku radnog odnosa. Da li je i kakvo je donio rješenje direktor SIPA-e meni nije poznato, a budući da je SIPA upravna organizacija u sastavu Ministarstva sigurnosti BiH, postavljam pitanje ministru Nešiću – Da li je retroaktivno razriješenom zamjeniku direktora SIPA-e BiH Zoranu Galiću prestao radni odnos i sa kojim datumom, te da li je i na koji način, ako jeste, stekao pravo na otpremninu?“

S obzirom na to da sjednici nije prisustvovao ministar sigurnosti BiH Nenad Nešić, potrebno je da se odgovor dostavi u pisanoj formi. Jasmin Emrić dao je komentar.

Predsjedavajući je, povodom utvrđivanja dnevnog reda, rekao sljedeće:

Na zahtjev Zajedničke komisije za ljudska prava skinute su ranije:

- **Tačka 9.** Izvještaj o realizaciji Revidirane strategije za provođenje Aneksa VII. Dejtonskog mirovnog sporazuma u Bosni i Hercegovini za 2022. godinu, podnosilac: Ministarstvo za ljudska prava i izbjeglice BiH, broj: 01,02-41-1415/24 od 19. 7. 2024, i
- **Tačka 11.** Prateći izvještaj o stanju u ustanovama za smještaj osoba s intelektualnim i mentalnim teškoćama u Bosni i Hercegovini, podnosilac: Institucija ombudsmena za ljudska prava BiH, broj: 01-12-1-1806/24 od 7. 10. 2024.

Izmijenjena je:

- **Tačka 7.** Prijedlog zakona o dopunama Krivičnog zakona Bosne i Hercegovine, predlagač: poslanik Nihad Omerović, broj: 01-02-1-1166/24 od 13. 6. 2024, s Mišljenjem Ustavnopravne komisije, koje je negativno po drugi put.

Na dnevni red dodate su:

- **Tačka 4.** Prijedlog zakona o izmjeni Izbornog zakona Bosne i Hercegovine, predlagač: poslanik Nenad Grković, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-2344/24 od 26. 11. 2024;
- **Tačka 5.** Prijedlog zakona o dopuni Zakona o plaćama i naknadama u institucijama Bosne i Hercegovine, predlagač: poslanici iz Kluba SDA Šerif Špago, Edin Ramić, Safet Kešo, Amor Mašović, Nermin Mandra, Denijal Tulumović, Midhat Čaušević i Šemsudin Dedić, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-2385/24 od 28. 11. 2024;
- **Tačka 25.** Davanje saglasnosti za ratifikaciju Međunarodnog sporazuma o maslinovom ulju i stolnim maslinama iz 2015. godine, broj: 01,02-21-1-2316/24 od 20. 11. 2024;
- **Tačka 26.** Davanje saglasnosti za ratifikaciju Međunarodnog sporazuma između Evropske unije i Bosne i Hercegovine o učešću Bosne i Hercegovine u programu Pravosuđe 2021 - 2027, broj: 01,02-21-1-2354/24 od 27. 11. 2024, i
- **Tačka 27.** Davanje saglasnosti za ratifikaciju Sporazuma o grantu br. TF0C4164 (Projekat za jačanje nadzora nad javnim preduzećima u Bosni i Hercegovini) između Bosne i Hercegovine i Međunarodne banke za obnovu i razvoj i Međunarodnog udruženja za razvoj (u svojstvu administratora Višedonatorskog krovnog povjereničkog fonda za finansijsko upravljanje), broj: 01,02-21-1-2416/24 od 2. 12. 2024.

U raspravi o dnevnom redu učestvovali su: Safet Kešo, Aida Baručija, Šemsudin Mehmedović i Mladen Bosić.

Šemsudin Mehmedović predložio je dopunu dnevnog reda tačkom: Provođenje i poštivanje odredbi Poslovnika Predstavničkog doma Parlamentarne skupštine Bosne i Hercegovine.

Mladen Bosić predložio je dopunu dnevnog reda tačkom: Deklaracija o zaustavljanju kupovine zgrade za Upravu za indirektno oporezivanje Bosne i Hercegovine, predlagač: poslanici Darko Babalj, Mladen Bosić, Branislav Borenović, Mira Pekić i Nenad Grković.

„Za“ prijedlog Šemsudina Mehmedovića za dopunu dnevnog reda glasalo je 15 poslanika (iz Federacije BiH 14, iz Republike Srpske jedan), „protiv“ 13, „suzdržanih“ osam. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o prijedlogu Šemsudina Mehmedovića za dopunu dnevnog reda.

Prijedlog Mladena Bosića za dopunu dnevnog reda nije usvojen – „za“ je glasalo 17 poslanika (iz Federacije BiH 12, iz Republike Srpske pet), „protiv“ 18, „suzdržan“ jedan.

Predsjedavajući je konstatirao da 23. sjednica Predstavničkog doma ima sljedeći

DNEVNI RED

1. Usvajanje Zapisnika 22. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o izmjeni i dopuni Zakona o osnovama sigurnosti saobraćaja na putevima u Bosni i Hercegovini, predlagač: poslanica Mia Karamehić-Abazović, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-2232/24 od 12. 11. 2024;
4. Prijedlog zakona o izmjeni Izbornog zakona Bosne i Hercegovine, predlagač: poslanik Nenad Grković, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-2344/24 od 26. 11. 2024;
5. Prijedlog zakona o dopuni Zakona o plaćama i naknadama u institucijama Bosne i Hercegovine, predlagač: poslanici iz Kluba SDA Šerif Špago, Edin Ramić, Safet Kešo, Amor Mašović, Nermin Mandra, Denijal Tulumović, Midhat Čaušević i Šemsudin Dedić, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-2385/24 od 28. 11. 2024;
6. Prijedlog zakona o dopunama Zakona o porezu na dodatu vrijednost, predlagač: poslanici Sanja Vulić, Mia Karamehić-Abazović, Saša Magazinović, Sabina Ćudić i Čedomir Stojanović, broj: 01-02-1-1829/24 od 25. 9. i 26. 9. 2024. (drugo čitanje);
7. Prijedlog zakona o dopunama Krivičnog zakona Bosne i Hercegovine, predlagač: poslanik Nihad Omerović, broj: 01-02-1-1166/24 od 13. 6. 2024, s Mišljenjem Ustavnopravne komisije;
8. Prijedlog zakona o izmjeni i dopuni Krivičnog zakona Bosne i Hercegovine, predlagač: poslanik Denis Zvizdić, broj: 01-02-1-2119/24 od 31. 10. 2024. (prvo čitanje);
9. Izvještaj o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2023. godinu, podnosilac: Predsjedništvo BiH, broj: 01,02-16-1-1377/24 od 15. 7. 2024;

10. Izvještaj o radu Vijeća ministara BiH za 2023. godinu, broj: 01,02-50-18-1414/24 od 19. 7. 2024;
11. Drugi periodični izvještaj o uvođenju novih tehnologija u izborni proces u Bosni i Hercegovini, podnosilac: Centralna izborna komisija BiH, broj: 01,02-50-18-1894/24 od 4. 10. 2024;
12. Izvještaj o provedenoj reviziji učinka o temi: „Višegodišnja kapitalna ulaganja“, podnosilac: Ured za reviziju institucija BiH, broj: 01-16-10-1921/24 od 8. 10. 2024;
13. Izvještaj o provedenoj reviziji učinka o temi: „Uspostavljanje i osiguravanje funkcionalne unutrašnje revizije u institucijama BiH“, podnosilac: Ured za reviziju institucija BiH, broj: 01-16-10-2005/24 od 18. 10. 2024;
14. Izvještaj Praćenje realizacije preporuka revizije učinka „Pravovremenost postupaka javnih nabavki u institucijama BiH“, podnosilac: Ured za reviziju institucija BiH, broj: 01-16-10-2054/24 od 23. 10. 2024;
15. Izvještaj o provedenoj reviziji učinka o temi: „Izdaci za sudske sporove u institucijama Bosne i Hercegovine“, podnosilac: Ured za reviziju institucija BiH, broj: 01-16-10-2137/24 od 1. 11. 2024;
16. Izvještaj Praćenje realizacije preporuka revizije učinka „Spremnost institucija BiH da odgovore na preuzete obaveze iz programa održivog razvoja do 2030. godine“, podnosilac: Ured za reviziju institucija BiH, broj: 01-16-10-2138/24 od 1. 11. 2024;
17. Prijedlog odluke o izmjenama Odluke o imenovanju članova stalnih komisija Predstavničkog doma Parlamentarne skupštine Bosne i Hercegovine, predlagač: poslanik Jasmin Emrić, akt broj: 01-34-1-2128/24 od 31. 10. 2024;
18. Prijedlog za razrješenje direktora Agencije za prevenciju korupcije i koordinaciju borbe protiv korupcije, predlagač: Komisija za izbor i praćenje rada Agencije za prevenciju korupcije i koordinaciju borbe protiv korupcije, broj: 05/8-34-1-2001/24 od 11. 11. 2024;
19. Poslanička inicijativa Saše Magazinovića kojom Predstavnički dom Parlamentarne skupštine BiH, u skladu s članom 35. Zakona o Vijeću ministara BiH („Službeni glasnik BiH“, br. 38/02, 30/03, 42/03, 81/06, 76/07, 81/07, 94/07 i 24/08), zadužuje Vijeće ministara BiH da u roku od tri mjeseca u parlamentarnu proceduru dostavi zakonsko rješenje kojim se donirani lijekovi oslobađaju poreza na dodatu vrijednost, broj: 01-50-1-1969/24 od 16. 10. 2024;
20. Poslanička inicijativa Denisa Zvizdića kojom Predstavnički dom Parlamentarne skupštine BiH inicira da Vijeće ministara BiH pristupi izradi Okvirne strategije integriranog upravljanja vodom na nivou Bosne i Hercegovine, uključujući i Akcioni plan za provođenje propisa Evropske unije koji se odnose na vodu za piće, komunalne otpadne vode i upravljanje rizikom od poplava, kao jedne od obaveza iz poglavlja 27. Izvještaja Evropske komisije o Bosni i Hercegovini za 2023. godinu, broj: 01-50-1-2002/24 od 18. 10. 2024;
21. Davanje saglasnosti za ratifikaciju Sporazuma između Ministarstva odbrane Bosne i Hercegovine i Ministarstva nacionalne odbrane Rumunije o odbrambenoj saradnji, broj: 01,02-21-1-2158/24 od 5. 11. 2024;
22. Davanje saglasnosti za ratifikaciju Sporazuma o Centralnoevropskom programu razmjene za univerzitetske studije (CEEPUS IV), broj: 01,02-21-1-2159/24 od 5. 11. 2024;

23. Davanje saglasnosti za ratifikaciju Sporazuma o finansiranju za Interreg VI-B Program EURO MEDITERRANEAN (EURO MED) za period 2021 - 2027. između Evropske unije, koju predstavlja Evropska komisija, Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, i Republike Francuske, koju predstavlja francuska regija Provansa-Alpe-Azurna obala, broj: 01,02-21-1-2160/24 od 5. 11. 2024;
24. Davanje saglasnosti za ratifikaciju Sporazuma o finansiranju za program saradnje (Interreg VI-C) Urbakt IV za period 2021 - 2027. između Evropske unije, koju predstavlja Evropska komisija, Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, i Republike Francuske, koju predstavlja Nacionalna agencija za teritorijalnu koheziju (ANCT), broj: 01,02-21-1-2177/24 od 7. 11. 2024;
25. Davanje saglasnosti za ratifikaciju Međunarodnog sporazuma o maslinovom ulju i stolnim maslinama iz 2015. godine, broj: 01,02-21-1-2316/24 od 20. 11. 2024;
26. Davanje saglasnosti za ratifikaciju Međunarodnog sporazuma između Evropske unije i Bosne i Hercegovine o učešću Bosne i Hercegovine u programu Pravosuđe 2021 - 2027, broj: 01,02-21-1-2354/24 od 27. 11. 2024;
27. Davanje saglasnosti za ratifikaciju Sporazuma o grantu br. TF0C4164 (Projekat za jačanje nadzora nad javnim preduzećima u Bosni i Hercegovini) između Bosne i Hercegovine i Međunarodne banke za obnovu i razvoj i Međunarodnog udruženja za razvoj (u svojstvu administratora Višedonatorskog krovnog povjereničkog fonda za finansijsko upravljanje), broj: 01,02-21-1-2416/24 od 2. 12. 2024.

Ad. 1. Usvajanje Zapisnika 22. sjednice Predstavničkog doma Parlamentarne skupštine BiH

Predsjedavajući je dao uvodne napomene. Nije bilo rasprave.

Zapisnik 22. sjednice Predstavničkog doma usvojen je s 34 glasa „za“ (iz Federacije BiH 21, iz Republike Srpske 13), jednim „protiv“ i dva „suzdržana“ glasa.

Ad. 2. Komentari na dobivene odgovore na poslanička pitanja

Predsjedavajući je rekao da su, u skladu s članom 170. Poslovnika, do ove sjednice Predstavničkog doma pitanja u pisanoj formi postavili poslanici:

- Saša Magazinović - postavio 86 pitanja i zatražio upućivanje urgencije za dostavljanje odgovora na pitanja,
- Šemsudin Mehmedović - postavio osam pitanja,
- Safet Kešo - postavio sedam pitanja,

- Rejhana Dervišević - postavila šest pitanja,
- Jasmin Emrić - postavio tri pitanja,
- Šemsudin Dedić - postavio 15 pitanja,
- po jedno pitanje postavili su: Elvira Hodžić, Sanja Vulić, Sabina Ćudić i Zlatan Begić.

Do današnje sjednice dostavljeni su sljedeći odgovori:

- na pitanja Rejhane Dervišević dostavljena su 43 odgovora,
- na pitanja Šemsudina Mehmedovića dostavljeno je devet odgovora,
- na pitanja Saše Magazinovića dostavljeno je deset odgovora,
- na pitanja Nermina Mandre dostavljena su četiri odgovora,
- na pitanja Safeta Keše dostavljena su dva odgovora,
- na pitanja Šemsudina Dedića dostavljena su dva odgovora,
- na pitanja Ermine Salkičević-Dizdarević dostavljena su dva odgovora,
- po jedan odgovor dostavljen je na pitanja: Jasmina Emrića, Mladena Bosića i Mije Karamahić-Abazović.

Odgovore su komentirali: Ermina Salkičević-Dizdarević, Jasmin Emrić, Šemsudin Mehmedović, Mladen Bosić, Safet Kešo i Mia Karamahić-Abazović.

Ad. 3. Prijedlog zakona o izmjeni i dopuni Zakona o osnovama sigurnosti saobraćaja na putevima u Bosni i Hercegovini, predlagatelj: poslanica Mia Karamahić-Abazović, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-2232/24 od 12. 11. 2024.

Predsjedavajući je dao uvodne napomene. Zahtjev za hitni postupak obrazložila je Mia Karamahić-Abazović. Nije bilo rasprave.

„Za“ zahtjev poslanice Mije Karamahić-Abazović za razmatranje Prijedloga zakona o izmjeni i dopuni Zakona o osnovama sigurnosti saobraćaja na putevima u Bosni i Hercegovini po hitnom postupku, u skladu s članom 133. Poslovnika, glasalo je 13 poslanika (iz Federacije BiH 11, iz Republike Srpske dva), „protiv“ 11, „suzdržanih“ devet. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o zahtjevu za hitni postupak.

Ad. 4. Prijedlog zakona o izmjeni Izbornog zakona Bosne i Hercegovine, predlagatelj: poslanik Nenad Grković, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-2344/24 od 26. 11. 2024.

Predsjedavajući je dao uvodne napomene. Zahtjev za hitni postupak obrazložio je Nenad Grković. Nije bilo rasprave.

„Za“ zahtjev poslanika Nenada Grkovića za razmatranje Prijedloga zakona o izmjeni Izbornog zakona Bosne i Hercegovine po hitnom postupku, u skladu s članom 133. Poslovnika, glasalo je 15 poslanika (iz Federacije BiH 12, iz Republike Srpske tri), „protiv“ 12, „suzdržana“ četiri. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o zahtjevu za hitni postupak.

Ad. 5. Prijedlog zakona o dopuni Zakona o plaćama i naknadama u institucijama Bosne i Hercegovine, predlagač: poslanici iz Kluba SDA Šerif Špago, Edin Ramić, Safet Kešo, Amor Mašović, Nermin Mandra, Denijal Tulumović, Midhat Čaušević i Šemsudin Dedić, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-2385/24 od 28. 11. 2024.

Predsjedavajući je dao uvodne napomene. Zahtjev za hitni postupak obrazložio je Šerif Špago.

U raspravi o zahtjevu za hitni postupak učestvovali su: Saša Magazinović, Jasmin Emrić, Milorad Kojić, Nihad Omerović, Mia Karamehić-Abazović, Predrag Kožul i Šerif Špago.

Za“ zahtjev poslanika iz Kluba SDA Šerifa Špage, Edina Ramića, Safeta Keše, Amora Mašovića, Nermina Mandre, Denijala Tulumovića, Midhata Čauševića i Šemsudina Dedića za razmatranje Prijedloga zakona o dopuni Zakona o plaćama i naknadama u institucijama Bosne i Hercegovine po hitnom postupku, u skladu s članom 133. Poslovnika, glasala su 23 poslanika (iz Federacije BiH 20, iz Republike Srpske tri), „protiv“ 11, „suzdržanih“ nije bilo. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o zahtjevu za hitni postupak.

Ad. 6. Prijedlog zakona o dopunama Zakona o porezu na dodatu vrijednost, predlagač: poslanici Sanja Vulić, Mia Karamehić-Abazović, Saša Magazinović, Sabina Ćudić i Čedomir Stojanović, broj: 01-02-1-1829/24 od 25. 9. i 26. 9. 2024. (drugo čitanje)

Nakon uvodnih napomena predsjedavajućeg, u raspravi su učestvovali: Jasmin Emrić, Saša Magazinović, Šerif Špago, Milan Petković, Midhat Čaušević, Nenad Grković, Safet Kešo, Mia Karamehić-Abazović, Sanja Vulić, Milorad Kojić, Miroslav Vujičić, Predrag Kožul, Jasmin Imamović, Nermin Mandra, Mira Pekić i Amor Mašović.

Po okončanju rasprave Domu se obratio ministar finansija i trezora BiH Srdan Amidžić.

Šerif Špago predložio je sljedeće zaključke:

1. „Predstavnički dom Parlamentarne skupštine BiH poziva entitetske, kantonalne i vlasti Brčko Distrikta BiH da ukinu porez na promet nekretnina pri prvom rješavanju stambenog pitanja građana Bosne i Hercegovine.
2. Predstavnički dom Parlamentarne skupštine BiH poziva općinske, gradske, kantonalne, entitetske i vlasti Brčko Distrikta BiH da u svojim budžetima planiraju sredstva za subvencioniranje kupovine ili izgradnju stambenog objekta pri prvom rješavanju stambenog pitanja građana Bosne i Hercegovine, a koji ne koriste pravo na povrat PDV-a po osnovu kupovine prvog stambenog objekta.“

„Za“ prijedlog zaključaka glasao je 21 poslanik (iz Federacije BiH 20, iz Republike Srpske jedan), „protiv“ je bilo 15, „suzdržan“ jedan. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenom prijedlogu zaključaka.

Prijedlog zakona o dopunama Zakona o porezu na dodatu vrijednost usvojen je u drugom čitanju jednoglasno, s 37 glasova „za“ (iz Federacije BiH 24, iz Republike Srpske 13), sa šest amandmana iz Izvještaja Komisije iz finansije i budžet Predstavničkog doma koji glase:

Amandman I.

U članu 1. Prijedloga zakona prilikom navođenja brojeva „Službenog glasnika BiH“ u kojima je objavljen osnovni tekst zakona i njegove izmjene, odnosno dopune briše se navod: „i 50/24“.

U istom članu u nazivu novog člana 54a. briše se zagrada i tekst naziva člana treba boldirati. Također, u tekstu novog člana 54a. brišu se oznake stavova od (1) do (5), jer se u osnovnom tekstu Zakona o porezu na dodatu vrijednost novi stav u članu označava uvlačenjem teksta u istom redu.

Dodatno, u tekstu novog člana 54a. mijenja se način označavanja stavova na koje se vrši pozivanje, tako da se umjesto oznaka stavova: „(1), (2) i (3)“ stave oznake stavova: „1, 2. i 3.“ Na kraju novog člana 54a. potrebno je zatvoriti navodnike.

Amandman II.

U Prijedlogu zakona o dopunama Zakona o porezu na dodatu vrijednost („Službeni glasnik BiH“, br. 9/05, 35/05, 100/08, 33/17, 46/23 i 80/23) u članu 54a. stav 1. mijenja se i glasi: „Punoljetno fizičko lice koje je državljanin Bosne i Hercegovine sa stalnim mjestom prebivališta u Bosni i Hercegovini, koje je kupac stambenog objekta, ima pravo na povrat PDV-a prilikom kupovine prvog stambenog objekta.“

Amandman III.

U članu 1. Prijedloga zakona u novom članu 54a. stav 2. mijenja se i glasi: „Stambenim objektom iz stava 1. ovog člana smatraju se novoizgrađeni individualni stambeni objekat i/ili ekonomski djeljiva cjelina u okviru novoizgrađenog kolektivnog stambenog objekta na teritoriji Bosne i Hercegovine namijenjeni za stanovanje.“

Amandman IV.

U članu 1. Prijedloga zakona u novom članu 54a. stav 3. mijenja se i glasi:

„Potvrde kojima se dokazuje ispunjavanje uslova iz st. 1. i 2. ovog člana izdaju nadležni organi u BiH.“

Amandman V.

U članu 2. Prijedloga zakona briše se naziv člana.

U istom članu, koji se odnosi na član 67. Zakona, umjesto oznake stava "(2)" treba staviti oznaku stava 2.

Također, u istom članu prilikom navođenja novog stava briše se oznaka stava "(3)", jer se slijedom nomotehnike osnovnog teksta propisa, novi stav označava uvlačenjem teksta u istom redu.

Istovremeno, oznake st. "(3)" i "(4)" zamjenjuju se oznakama: "3." i "4".

Amandman VI.

U članu 3. Prijedloga zakona stav 1. mijenja se i glasi:

„Upravni odbor Uprave za indirektno oporezivanje Bosne i Hercegovine donijet će podzakonske akte za provođenje Zakona nakon stupanja ovog zakona na snagu, u kojima će se utvrditi uslovi i način pod kojima kupac ostvaruje pravo na povrat PDV-a za kupovinu prvog stambenog objekta, uključujući nadležne organe za izdavanje potvrda kojima se dokazuje ispunjavanje uslova za povrat PDV-a, definiranje minimalnog perioda za otuđenje stambenog objekta od strane korisnika prava na povrat PDV-a, površinu i cijenu stambenog objekta na koju je moguće ostvariti povrat PDV-a, maksimalan iznos povrata PDV-a, broj članova domaćinstva koji ostvaruju ili ne ostvaruju pravo i u kojem obimu, početne rokove u smislu posjedovanja prve nekretnine radi ostvarivanja prava, kao i sve ostale potrebne uslove s ciljem provođenja Zakona.“

Ad. 7. Prijedlog zakona o dopunama Krivičnog zakona Bosne i Hercegovine, predlađač: poslanik Nihad Omerović, broj: 01-02-1-1166/24 od 13. 6. 2024, s Mišljenjem Ustavnopravne komisije

Predsjedavajući je u uvodnim napomenama, između ostalog, rekao da je Ustavnopravna komisija po drugi put utvrdila da Prijedlog zakona o dopunama Krivičnog zakona Bosne i Hercegovine nije usklađen sa Ustavom BiH i pravnim sistemom BiH te nije prihvatila principe Prijedloga zakona. S obzirom na navedeno, nije bilo rasprave, a predsjedavajući je konstatirao da se zakonodavna procedura po navedenom prijedlogu zakona obustavlja.

Ad. 8. Prijedlog zakona o izmjeni i dopuni Krivičnog zakona Bosne i Hercegovine, predlagač: poslanik Denis Zvizdić, broj: 01-02-1-2119/24 od 31. 10. 2024. (prvo čitanje)

Nakon što je dao uvodne napomene, predsjedavajući Denis Zvizdić obrazložio je Prijedlog zakona.

U raspravi su učestvovali: Milorad Kojić, Denis Zvizdić, Sanja Vulić, Midhat Čaušević i Milan Petković.

Prijedlog zakona o izmjeni i dopuni Krivičnog zakona Bosne i Hercegovine usvojen je u prvom čitanju, s 25 glasova „za“ (iz Federacije BiH 20, iz Republike Srpske pet), osam „protiv“ i četiri „suzdržana“ glasa.

Ad. 9. Izvještaj o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2023. godinu, podnosilac: Predsjedništvo BiH, broj: 01,02-16-1-1377/24 od 15. 7. 2024.

Nakon uvodnih napomena predsjedavajućeg, u raspravi su učestvovali: Mira Pekić, Šemsudin Dedić, Šerif Špago i Darko Babalj.

Na prijedlog Mire Pekić, s 32 glasa „za“ (iz Federacije BiH 20, iz Republike Srpske 12), pet „protiv“ i bez „suzdržanih“ glasova, usvojen je sljedeći zaključak:

„Predstavnički dom Parlamentarne skupštine BiH zadužuje Vijeće ministara BiH da u roku od 30 dana dostavi objedinjeni izvještaj o namjenskom utrošku sredstava koja su dodijeljena 29. 12. 2023. iz sredstava tekuće budžetske rezerve za podršku neprofitnim organizacijama:

- Ministarstvo civilnih poslova BiH u iznosu od 2.230.644,00 KM,
- Ministarstvo za ljudska prava i izbjeglice BiH u iznosu od 1.537.861,49 KM.“

Izvještaj o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2023. godinu usvojen je s 21 glasom „za“ (iz Federacije BiH 13, iz Republike Srpske osam), 15 „protiv“ i jednim „suzdržanim“ glasom.

Ad. 10. Izvještaj o radu Vijeća ministara BiH za 2023. godinu, broj: 01,02-50-18-1414/24 od 19. 7. 2024.

Nakon uvodnih napomena predsjedavajućeg, u raspravi su učestvovali: Jasmin Emrić, Šemsudin Mehmedović, Safet Kešo i Nermin Mandra.

Jasmin Emrić predložio je sljedeće zaključke:

1. Predstavnički dom Parlamentarne skupštine BiH traži od svih institucija Bosne i Hercegovine da Predstavničkom domu dostave podatke o nacionalnoj strukturi lica koja su zasnovala radni odnos u periodu od 1. 1. 2023. do 1. 12. 2024, tako da dostave sljedeće podatke za svaku instituciju: ukupan broj lica koja su zasnovala radni odnos, ukupan broj Bošnjaka i procenat Bošnjaka od ukupnog broja, ukupan broj Srba i procenat Srba od ukupnog broja, ukupan broj Hrvata i procenat Hrvata od ukupnog broja i ukupan broj ostalih/neopredijeljenih i procenat ostalih/neopredijeljenih.
2. Predstavnički dom Parlamentarne skupštine BiH traži od svih institucija Bosne i Hercegovine da Predstavničkom domu dostave podatke o nacionalnoj strukturi svih zaposlenih na dan 1. 12. 2024, tako da dostave sljedeće podatke za svaku instituciju: ukupan broj zaposlenih, ukupan broj Bošnjaka i procenat Bošnjaka od ukupnog broja, ukupan broj Srba i procenat Srba od ukupnog broja, ukupan broj Hrvata i procenat Hrvata od ukupnog broja i ukupan broj ostalih/neopredijeljenih i procenat ostalih/neopredijeljenih.
3. Predstavnički dom Parlamentarne skupštine BiH traži od svih institucija Bosne i Hercegovine koje imaju organizacione jedinice izvan sjedišta institucije da Predstavničkom domu dostave podatke o nacionalnoj strukturi zaposlenih na dan 1. 12. 2024, tako da dostave posebne podatke za sjedište institucije i svaku organizacionu jedinicu izvan sjedišta kako slijedi: ukupan broj zaposlenih, ukupan broj Bošnjaka i procenat Bošnjaka od ukupnog broja, ukupan broj Srba i procenat Srba od ukupnog broja, ukupan broj Hrvata i procenat Hrvata od ukupnog broja i ukupan broj ostalih/neopredijeljenih i procenat ostalih/neopredijeljenih.
4. Predstavnički dom Parlamentarne skupštine BiH traži od Vijeća ministara BiH da se u Izvještaj o radu Vijeća ministara Bosne i Hercegovine za 2024. godinu, osim podataka o rodnoj strukturi zaposlenih, uvrste i podaci o nacionalnoj strukturi zaposlenih.

„Za“ prijedlog zaključaka glasala su 22 poslanika (iz Federacije BiH 20, iz Republike Srpske dva), „protiv“ 15, „suzdržanih“ nije bilo. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenom prijedlogu zaključaka.

Izvještaj o radu Vijeća ministara BiH za 2023. godinu usvojen je s 20 glasova „za“ (iz Federacije BiH 12, iz Republike Srpske osam), 16 „protiv“ i jednim „suzdržanim“ glasom.

Ad. 11. Drugi periodični izvještaj o uvođenju novih tehnologija u izborni proces u Bosni Hercegovini, podnosilac: Centralna izborna komisija BiH, broj: 01,02-50-18-1894/24 od 4. 10. 2024.

Nakon uvodnih napomena predsjedavajućeg, u raspravi su učestvovali Šerif Špago i Darko Babalj.

Na prijedlog poslanika Šerifa Špage, s 24 glasa „za“ (iz Federacije BiH 19, iz Republike Srpske pet), 11 „protiv“ i dva „suzdržana“ glasa, usvojeni su sljedeći zaključci:

1. Predstavnički dom Parlamentarne skupštine BiH zadužuje Centralnu izbornu komisiju BiH da izradi studiju izvodljivosti za uvođenje specifičnih izbornih tehnologija u izborni proces Bosne i Hercegovine u roku od 90 dana od dana usvajanja ovog zaključka, a u skladu s članom 20.16e Izbornog zakona Bosne i Hercegovine.
2. Predstavnički dom Parlamentarne skupštine BiH zadužuje Vijeće ministara BiH da, u skladu sa zahtjevom Centralne izborne komisije BiH, osigura finansijska sredstva u Budžetu institucija Bosne i Hercegovine za 2025. godinu za nabavku potrebne opreme za uvođenje specifičnih izbornih tehnologija u izborni proces Bosne i Hercegovine u skladu s članom 20.16e Izbornog zakona Bosne i Hercegovine.

Drugi periodični izvještaj o uvođenju novih tehnologija u izborni proces u Bosni Hercegovini usvojen je s 24 glasa „za“ (iz Federacije BiH 19, iz Republike Srpske pet), 12 „protiv“ i jednim „suzdržanim“ glasom.

Ad. 12. Izvještaj o provedenoj reviziji učinka o temi: „Višegodišnja kapitalna ulaganja“, podnosilac: Ured za reviziju institucija BiH, broj: 01-16-10-1921/24 od 8. 10. 2024.

Nakon uvodnih napomena predsjedavajućeg, nije bilo rasprave.

Izvještaj o provedenoj reviziji učinka o temi: „Višegodišnja kapitalna ulaganja“ usvojen je s 34 glasa „za“ (iz Federacije BiH 21, iz Republike Srpske 13), bez glasova „protiv“ i tri „suzdržana“ glasa.

Ad. 13. Izvještaj o provedenoj reviziji učinka o temi: „Uspostavljanje i osiguravanje funkcionalne unutrašnje revizije u institucijama BiH“, podnosilac: Ured za reviziju institucija BiH, broj: 01-16-10-2005/24 od 18. 10. 2024.

Predsjedavajući je dao uvodne napomene. Nije bilo rasprave.

Izvještaj o provedenoj reviziji učinka o temi: „Uspostavljanje i osiguravanje funkcionalne unutrašnje revizije u institucijama BiH“ usvojen je s 34 glasa „za“ (iz Federacije BiH 21, iz Republike Srpske 13), bez glasova „protiv“ i tri „suzdržana“ glasa.

Ad. 14. Izvještaj Praćenje realizacije preporuka revizije učinka „Pravovremenost postupaka javnih nabavki u institucijama BiH“, podnosilac: Ured za reviziju institucija BiH, broj: 01-16-10-2054/24 od 23. 10. 2024.

Predsjedavajući je dao uvodne napomene. Nije bilo rasprave.

Izvještaj Praćenje realizacije preporuka revizije učinka „Pravovremenost postupaka javnih nabavki u institucijama BiH“ usvojen je s 34 glasa „za“ (iz Federacije BiH 21, iz Republike Srpske 13), bez glasova „protiv“ i tri „suzdržana“ glasa.

Ad. 15. Izvještaj o provedenoj reviziji učinka o temi: „Izdaci za sudske sporove u institucijama Bosne i Hercegovine“, podnosilac: Ured za reviziju institucija BiH, broj: 01-16-10-2137/24 od 1. 11. 2024.

Predsjedavajući je dao uvodne napomene. Nije bilo rasprave.

Izvještaj o provedenoj reviziji učinka o temi: „Izdaci za sudske sporove u institucijama Bosne i Hercegovine“ usvojen je s 34 glasa „za“ (iz Federacije BiH 21, iz Republike Srpske 13), bez glasova „protiv“ i tri „suzdržana“ glasa.

Ad. 16. Izvještaj Praćenje realizacije preporuka revizije učinka „Spremnost institucija BiH da odgovore na preuzete obaveze iz programa održivog razvoja do 2030. godine“, podnosilac: Ured za reviziju institucija BiH, broj: 01-16-10-2138/24 od 1. 11. 2024.

Nakon uvodnih napomena predsjedavajućeg, nije bilo rasprave.

Izvještaj Praćenje realizacije preporuka revizije učinka „Spremnost institucija BiH da odgovore na preuzete obaveze iz programa održivog razvoja do 2030. godine“ usvojen je s 34 glasa „za“ (iz Federacije BiH 21, iz Republike Srpske 13), bez glasova „protiv“ i tri „suzdržana“ glasa.

Ad. 17. Prijedlog odluke o izmjenama Odluke o imenovanju članova stalnih komisija Predstavničkog doma Parlamentarne skupštine Bosne i Hercegovine, predlažać: poslanik Jasmin Emrić, akt broj: 01-34-1-2128/24 od 31. 10. 2024.

Nakon uvodnih napomena predsjedavajućeg, nije bilo rasprave. Prijedlog odluke obrazložio je Jasmin Emrić.

Prijedlog odluke o izmjenama Odluke o imenovanju članova stalnih komisija Predstavničkog doma Parlamentarne skupštine Bosne i Hercegovine usvojen je s 31 glasom

„za“ (iz Federacije BiH 24, iz Republike Srpske sedam), pet „protiv“ i jednim „suzdržanim“ glasom.

Ad. 18. Prijedlog za razrješenje direktora Agencije za prevenciju korupcije i koordinaciju borbe protiv korupcije, predlagatelj: Komisija za izbor i praćenje rada Agencije za prevenciju korupcije i koordinaciju borbe protiv korupcije, broj: 05/8-34-1-2001/24 od 11. 11. 2024.

Nakon što je dao uvodne napomene, diskutirao je predsjedavajući Denis Zvizdić.

Predstavnički dom je, s 27 glasova „za“ (iz Federacije BiH 15, iz Republike Srpske 12), bez glasova „protiv“ i deset „suzdržanih“ glasova, razriješio Elvisa Kondžića dužnosti direktora Agencije za prevenciju korupcije i koordinaciju borbe protiv korupcije.

Na prijedlog Denisa Zvizdića, s 34 glasa „za“ (iz Federacije BiH 24, iz Republike Srpske deset), dva „protiv“ i jednim „suzdržanim“ glasom, usvojen je sljedeći zaključak: „Predstavnički dom Parlamentarne skupštine BiH poziva Komisiju za izbor i praćenje rada Agencije za prevenciju korupcije i koordinaciju borbe protiv korupcije da odmah pokrene postupak imenovanja novog direktora Agencije za prevenciju korupcije i koordinaciju borbe protiv korupcije, u skladu sa Zakonom o Agenciji za prevenciju korupcije i koordinaciju borbe protiv korupcije, kako bi se omogućilo nesmetano funkcioniranje institucije.“

Ad. 19. Poslanička inicijativa Saše Magazinovića kojom Predstavnički dom Parlamentarne skupštine BiH, u skladu s članom 35. Zakona o Vijeću ministara BiH („Službeni glasnik BiH“, br. 38/02, 30/03, 42/03, 81/06, 76/07, 81/07, 94/07 i 24/08), zadužuje Vijeće ministara BiH da u roku od tri mjeseca u parlamentarnu proceduru dostavi zakonsko rješenje kojim se donirani lijekovi oslobađaju poreza na dodatu vrijednost, broj: 01-50-1-1969/24 od 16. 10. 2024.

Predsjedavajući je dao uvodne napomene. Saša Magazinović obrazložio je inicijativu, nakon čega je diskutirao Šemsudin Dedić.

Poslanička inicijativa Saše Magazinovića usvojena je jednoglasno, s 37 glasova „za“ (iz Federacije BiH 24, iz Republike Srpske 13).

Ad. 20. Poslanička inicijativa Denisa Zvizdića kojom Predstavnički dom Parlamentarne skupštine BiH inicira da Vijeće ministara BiH pristupi izradi Okvirne strategije integriranog upravljanja vodama na nivou Bosne i Hercegovine, uključujući i Akcioni plan za provođenje propisa Evropske unije koji se odnose na vodu za piće, komunalne otpadne vode i upravljanje rizikom od poplava, kao jedne od obaveza iz poglavlja 27. Izvještaja Evropske komisije o Bosni i Hercegovini za 2023. godinu, broj: 01-50-1-2002/24 od 18. 10. 2024.

Predsjedavajući je dao uvodne napomene. Diskutirala je Mia Karamehić-Abazović. Denis Zvizdić obrazložio je inicijativu.

„Za“ poslaničku inicijativu Denisa Zvizdića glasalo je 25 poslanika (iz Federacije BiH 24, iz Republike Srpske jedan), „protiv“ je bilo 11, „suzdržan“ jedan poslanik. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenoj inicijativi.

Prije prelaska na tačku 21. dnevnog reda, predsjedavajući je predložio da se objedini rasprava o tačkama 21 - 27. s obzirom na to da je riječ o davanju saglasnosti za ratifikaciju materijala. Ovaj prijedlog prihvaćen je s 31 glasom „za“ (iz Federacije BiH 21, iz Republike Srpske deset), bez glasova „protiv“ i tri glasa „suzdržan“.

Ad. 21 - 27. Davanje saglasnosti za ratifikaciju

Predsjedavajući je predložio da se objedini glasanje o tačkama 21 - 27. s obzirom na to da je riječ o davanju saglasnosti za ratifikaciju materijala.

Ovaj prijedlog prihvaćen je s 35 glasova „za“ (iz Federacije BiH 23, iz Republike Srpske 12), bez glasova „protiv“ i dva glasa „suzdržan“.

S 36 glasova „za“ (iz Federacije BiH 23, iz Republike Srpske 13), bez glasova „protiv“ i jednim glasom „suzdržan“, data je saglasnost za ratifikaciju:

- Sporazuma između Ministarstva odbrane Bosne i Hercegovine i Ministarstva nacionalne odbrane Rumunije o odbrambenoj saradnji,
- Sporazuma o Centralnoevropskom programu razmjene za univerzitetske studije (CEEPUS IV),
- Sporazuma o finansiranju za Interreg VI-B Program EURO MEDITERRANEAN (EURO MED) za period 2021 - 2027. između Evropske unije, koju predstavlja Evropska komisija, Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, i Republike Francuske, koju predstavlja francuska regija Provansa-Alpe-Azurna obala,
- Sporazuma o finansiranju za program saradnje (Interreg VI-C) Urbakt IV za period 2021- 2027. između Evropske unije, koju predstavlja Evropska komisija, Bosne i Hercegovine, koju predstavlja Direkcija za evropske integracije Vijeća ministara Bosne

i Hercegovine, i Republike Francuske, koju predstavlja Nacionalna agencija za teritorijalnu koheziju (ANCT),

- Međunarodnog sporazuma o maslinovom ulju i stolnim maslinama iz 2015. godine,
- Međunarodnog sporazuma između Evropske unije i Bosne i Hercegovine o učešću Bosne i Hercegovine u programu Pravosuđe 2021 - 2027,
- Sporazuma o grantu br. TF0C4164 (Projekat za jačanje nadzora nad javnim preduzećima u Bosni i Hercegovini) između Bosne i Hercegovine i Međunarodne banke za obnovu i razvoj i Međunarodnog udruženja za razvoj (u svojstvu administratora Višedonatorskog krovnog povjereničkog fonda za finansijsko upravljanje).

Sjednica je završena u 17.56 sati.

Sastavni dio Zapisnika je transkript 23. sjednice Predstavničkog doma.

 **SEKRETAR**
PREDSTAVNIČKOG DOMA

Dražen Mustapić

PREDSJEDAVAJUĆI
PREDSTAVNIČKOG DOMA

Dr. Denis Zrinskić

